

特31

723

廣瀨研山 校訂  
久保田梁山 訓解

小學  
必用

大史畧

東京

書肆

正榮堂



原  
始



特31

723

東書齋


不圖

藏

原 姑

中華書局影印

三才圖會






要錄

明治十年十二月

湖山學人惠題





立齋先生十八史略目錄

卷第一

太古

三皇

五帝

夏

殷

周

春秋戰國

秦

卷第二

西漢

東漢

卷第三

三國

西晉

東晉







前年代國都不可攷。

三皇

大昊伏羲氏

大昊伏羲氏風姓。代燧人氏而王。蛇身人首。始畫八卦。造書契。以代結繩之政。制嫁娶。以儷皮為禮。結網罟。教佃漁。養犧牲。以庖厨。故曰庖犧。有龍瑞。以龍紀官號。龍師。木德。王都於陳。庖犧崩。女媧氏立。亦風姓。木德。王始作笙簧。諸侯有共工氏。與祝融戰。不勝。而怒。乃頭觸不周山。崩天柱。折地維。缺女媧乃鍊五色石。以補天。斷鯀足。以立四極。聚蘆灰。以止滔水。於是

地平天成。不改舊物。女媧氏沒。有共工氏。太庭氏。柏皇氏。中央氏。歷陸氏。驪連氏。赫胥氏。尊靈氏。混沌氏。昊英氏。朱襄氏。葛天氏。陰康氏。無懷氏。風姓相承者十五世。

炎帝神農氏

炎帝神農氏姜姓。人身牛首。繼風姓而立。火德。王斷木為耜。揉木為耒。始教畊作。蜡祭。以赭鞭鞭草木。嘗百草。始有鑿藥。教人日中為市。交易而退。都於陳。徙曲阜。傳帝承帝臨帝則帝百帝來帝襄帝榆姜姓。凡八世。五百二十年。



黃帝軒轅氏

黃帝公孫姓。又曰姬姓。名軒轅。有熊國君。少典子也。母見大電繞北斗樞星。感而生帝。炎帝世衰。諸侯相侵伐。軒轅乃習用干戈。以征不享。諸侯咸歸之。與炎帝戰于阪泉之野。克之。蚩尤作亂。其人銅鐵額。能作大霧。軒轅作指南車。與蚩尤戰於涿鹿之野。禽之。遂代炎帝為天子。土德王。以雲紀官。為雲師。作舟車。以濟不通。得風后為相。力牧為將。受河圖。見日月星辰之象。始有星官之書。師太撓占斗。建作甲子。容成造曆。隸首作算數。伶倫取嶰谷之竹。制十二律。簫以聽

鳳鳴。雄鳴六。雌鳴六。以黃鐘之宮。生六律六呂。以候氣。應鑄十二鐘。以和五音。嘗晝寢。夢遊華胥之國。怡然自得。其後天下大治。幾若華胥。世傳黃帝采銅鑄鼎。鼎成。有龍垂胡髯下。迎帝騎龍上天。群臣後宮從者七十餘人。小臣不得上。悉持龍髯。髯拔。墮。子抱其弓而號。後世名其處曰鼎湖。其弓曰烏號。黃帝二十五子。其得姓者十四。

五帝

少昊金天氏

少昊金天氏。名玄囂。黃帝之子也。亦曰青陽。其立也



鳳鳥適至以鳥紀官。

顓頊高陽氏

顓頊高陽氏昌意之子黃帝孫也代少昊而立少昊之衰九黎亂德民神雜糅不可方物顓頊受之乃命南正重司天以屬神火正黎司地以屬民使無相侵瀆始作曆以孟春為元

帝嚳高辛氏

帝嚳高辛氏玄囂之子黃帝曾孫也生而神靈自言其名代顓頊而立居於亳

帝堯陶唐氏

帝堯陶唐氏伊祁姓或曰名放勳帝嚳子也其仁如天其知如神就之如日望之如雲都平陽節茨不剪土階三等有草生庭十五日以前日生一葉以後日落一葉月小盡則一葉厭而不落名曰蓂莢觀之以知旬朔治天下五十年不知天下治歟不治歟億兆願戴已歟不願戴已歟問左右不知問外朝不知問在野不知乃微服游於康衢聞童謠曰立我烝民莫匪爾極不識不知順帝之則有老人含哺鼓腹擊壤而歌曰日出而作日入而息鑿井而飲畊田而食帝力何有於我哉觀于華華封人曰嘻請祝聖人使聖



人壽富多男子。堯曰：辭多男子則多懼，富則多事，壽則多辱。封人曰：天生萬民，必授之職，多男子而授之職，何懼之有？富而使人分之，何事之有？天下有道與物皆昌，天下無道，脩德就間，千歲厭世，去而上僂，乘彼白雲，至于帝鄉，何辱之有？堯立七十年，有九年之水，使鯀治之，九載弗績，堯老倦于勤，四嶽舉舜攝行天下事，堯子丹朱不肖，乃薦舜於天，堯崩，舜即位。

帝舜有虞氏

帝舜有虞氏，姚姓，或曰名重華，瞽瞍之子，顓頊六世孫也。父惑於後妻，愛少子象，常欲殺舜。舜盡孝悌之

道。烝烝乂，不格姦。畊歷山，民皆讓畔，漁雷澤，人皆讓居。陶河濱，器不苦窳，所居成聚。二年成邑，三年成都。堯聞之，聰明舉於畎畝，妻以二女，曰娥皇、女英。登降于媯汭，遂相堯攝政，放驩兜，流共工，殛鯀，竄三苗，舉才子八元，八愷，命九官，咨十二牧，四海之內咸戴舜功。彈五絃之琴，歌南風之詩，而天下治。詩曰：南風之薰兮，可以解吾民之愠兮。南風之時兮，可以阜吾民之財兮。時景星出，卿雲興，百工相和而歌曰：卿雲爛兮，禮繚繚兮。日月光華，旦復旦兮。舜子商均不肖，乃薦禹於天，舜南巡狩崩於蒼梧之野，禹即位。



夏后氏

夏后氏禹姒姓。或曰名文命。鯀之子。顓頊孫也。鯀湮  
 洪水。舜舉禹代鯀。勞身焦思。居外十三年。過家門不  
 入。陸行乘車。水行乘船。泥行乘橈。山行乘橐。開九州。  
 通九道。陂九澤。度九山。告厥成功。舜嘉之。使率百官  
 行天下事。舜崩。乃踐位。聲為律。身為度。左準繩。右規  
 矩。一饋十起。以勞天下之民。出見罪人。下車問而泣  
 曰。堯舜之人。以堯舜之心為心。寡人為君。百姓各自  
 以其心為心。寡人痛之。古有醴酪。至禹時。儀狄作酒。  
 禹飲而甘之。曰。後世必有以酒亡國者。遂疏儀狄。收

九牧之金。鑄九鼎。三足象三德。以享上帝。鬼神會諸  
 侯於塗山。執玉帛者萬國。禹濟江。黃龍負舟。舟中人  
 懼。禹仰天歎曰。吾受命於天。竭力而勞萬民。生寄也。  
 死歸也。視龍猶蠃蟻。顏色不變。龍俛首低尾而逝。南  
 巡至會稽山而崩。子啓賢能。繼禹道。禹嘗薦益於天。  
 謳歌朝覲者不之益。而之啓。曰。吾君之子也。啓遂立。  
 有扈氏無道。啓與戰于甘。啓崩。子大康立。盤遊弗返。  
 有窮后羿立。其弟仲康而專其政。羲和守義。不服羿。  
 假王命。命胤侯征之。仲康崩。子相立。羿逐相。自立。嬖  
 臣寒浞。又殺羿。自立。相之后。有仍國君女也。方娠。奔



有仍而生少康其後少康有田一成有衆一旅因夏  
 舊臣靡舉兵滅浞而復禹之績自少康以來歷王杼  
 王槐王芒王泄王不降王扃王厘至王孔甲好鬼神  
 事淫亂夏德衰天降二龍有雌雄陶唐氏之後有劉  
 累者學擾龍以事孔甲賜之姓曰御龍氏龍一雌死  
 潛醢以食孔甲復求之累懼而逃孔甲之後歷王皋  
 王發王履癸號為桀貪虐力能伸鐵鈎索伐有施氏  
 有施以末喜女焉有寵所言皆從為頤宮瑤臺殫民  
 財肉山脯林酒池可以運船糟堤可以望十里一鼓  
 而牛飲者三千人末喜以為樂國人大崩湯伐夏桀

走鳴條而死夏為天子一十有七世凡四百三十二  
 年

殷

殷王成湯子姓名履其先曰契帝嚳子也母簡狄有  
 娥氏女見玄鳥墮卵吞之生契為唐虞司徒封於商  
 賜姓傅昭明相士昌若曹圉曰冥曰振曰微曰報下  
 報乙報丙主壬主癸子天乙是為湯始居亳從  
 先王居使人以幣聘伊尹于莘進之夏桀不用尹復  
 歸湯桀殺諫者閔龍逢湯使人哭之桀怒召湯囚夏  
 臺已而得釋湯出見有張網四面而祝之曰從天降



從地出。從四方來者，皆罹吾網。湯曰：「嘻！盡之矣。乃解其三面，改祝曰：『欲左，左；欲右，右。不用命者，入吾網。』諸侯聞之，曰：『湯德至矣。』及禽獸，伊尹相湯伐桀，放之南巢。諸侯尊湯為天子。大旱七年，太史占之，曰：『當以人禱。』湯曰：『吾所為請者，民也。若必以人禱，吾請自當。』遂齋戒，剪爪，斷髮，素車白馬，身嬰白茆，以身為犧牲，禱于桑林之野。以六事自責，曰：『政不節，與民失職，與宮室崇歟？女謁盛歟？苞苴行歟？讒夫昌歟？言未已，大雨方數千里。湯崩，太子太丁早卒，次子外丙立，二年崩。弟仲壬立，四年崩。太丁之子太甲立，不明，伊尹放之。

桐宮，居憂三年，悔過，自責。尹乃奉歸亳，修德，諸侯歸之。自太甲歷沃丁、大庚、小甲、雍己，至大戊，亳有祥，桑穀共生，干朝。一日暮，大拱，伊陟曰：『妖不勝德，君其脩德。』太戊修先王之政，二日而祥，桑枯死，殷道復興，號稱中宗。自太戊歷仲丁、外壬，至河亶甲，避水患，遷于相。至祖乙，居耿，又圯于耿，歷祖辛、沃甲、祖丁、南庚、陽甲，至盤庚，自耿復遷于亳，殷道復興，自盤庚歷小辛、小乙，至武丁，夢得良弼，曰：『說說為昏靡，築于傅巖，求得之，立為相。』武丁祭湯，有飛雉，外鼎而雉，武丁懼而反已，殷道復興，號稱高宗。自武丁歷祖庚、祖甲、廩辛。

小學一八各書及  
卷之二  
三  
正統堂藏版



庚丁至武乙無道為偶人謂之天神與之博令人為  
行天神不勝乃僂辱之為革囊盛血仰射之命曰射  
天出獵為暴雷震死歷太丁帝乙至帝辛名受號為  
紂資辯捷疾手格猛獸智足以拒諫言足以飾非始  
為象箸箕子歎曰彼為象箸必不盛以土簋將為玉  
杯玉杯象箸必不羹藜藿衣短褐而舍節茨之下則  
錦衣九重高臺廣室稱此以求天下不足矣紂伐有  
蘇氏有蘇以妲己女焉有寵其言皆從厚賦稅以實  
鹿臺之財盈鉅橋之粟廣沙丘苑臺以酒為池縣肉  
為林為長夜之飲百姓怨望諸侯有畔者紂乃重刑

辟為銅柱以膏塗之加於炭火之上使有罪者緣之  
足滑跌墜火中與妲己觀之大樂名曰炮烙之刑淫  
虐甚庶兄微子數諫不從去之比干諫三日不去紂  
怒曰吾聞聖人之心有七竅剖而觀其心箕子佯狂  
為奴紂囚之殷大師持其樂器祭器奔周周侯昌及  
九侯鄂侯為紂三公紂殺九侯鄂侯爭并脯之昌聞  
而歎息紂囚昌美里昌之臣散軍生求美女珍寶進  
紂大悅乃釋昌昌退而修德諸侯多叛紂歸之昌卒  
子發立率諸侯伐紂紂敗于牧野衣寶玉自焚死殷  
亡箕子後朝周過故殷墟傷宮室毀壞生禾黍欲哭



不可欲泣則為近婦人乃作麥秀之歌曰麥秀漸漸兮禾黍油油兮彼校童兮不與我好兮殷民間之皆流涕殷為天子三十一世六百二十九年

周

周武王姬姓名發后稷之十六世孫也后稷名棄棄母曰姜嫄為帝嚳元妃出野見巨人跡心欣然踐之生棄以為不祥棄之隘巷馬牛避不踐徙置山林適會林中多人遷之水上鳥覆翼之以為神遂收之兒時屹如巨人之志其游戲好種樹及成人能相地之宜教民稼穡興於陶唐虞夏之際為農師封于郟別

其姓號后稷卒子不窋立夏后氏政衰不窋失其官奔戎狄之間不窋卒子鞠立鞠卒子公劉立復修后稷之業務畊種百姓懷之公劉卒子慶節立國於豳歷皇僕參弗毀隄公非高圉亞圉公叔鉏至古公亶父獯鬻攻之去豳渡漆沮踰梁山邑於岐山下居焉豳人曰仁人也不可失扶老携幼以從他旁國皆歸之古公長子太伯次虞仲其妃大姜生少子季歷季歷娶太任生昌有聖瑞太伯虞仲知古公欲立季歷以傳昌乃如荊蠻斷髮文身以讓季歷古公卒公季立公季卒昌立為西伯西伯修德諸侯歸之虞芮爭

小學一八八各書大卷之一



田不能決乃如周入界見畊者皆遜畔民俗皆讓長  
二人慙相謂曰吾所爭周人所耻乃不見西伯而還  
俱讓其田不取漢南歸西伯者四十國皆以為受命  
之君三分天下有其二有呂尚者東海上人窮困年  
老漁釣至周西伯將獵卜之曰非龍非鸞非熊非羆  
非虎非貌所獲霸王之輔果遇呂尚於渭水之陽與  
語大悅曰自吾先君太公曰當有聖人適周周因以  
興子真是耶吾太公望子久矣故號之曰太公望載  
與俱歸立為師謂之師尚父西伯卒子發立是為武  
王東觀兵至於盟津白魚入王舟中王俯取以祭既

渡有火自上復于下至于王屋流為烏其色赤其聲  
魄是時諸侯不期而會者八百皆曰紂可伐矣王不  
可引歸紂不悛王乃伐紂載西伯木主以行伯夷叔  
齊叩馬諫曰父死不葬爰及干戈可謂孝乎以臣弑  
君可謂仁乎左右欲兵之太公曰義士也扶而去之  
王既滅殷為天子追尊古公為太王公季為王季西  
伯為文王天下宗周伯夷叔齊耻之不食周粟隱於  
首陽山作歌曰登彼西山兮采其薇矣以暴易暴兮  
不知其非矣神農虞夏忽焉沒兮我安適歸矣于嗟  
徂兮命之衰矣遂餓而死武王崩太子誦立是為成



王成王幼周公位冢宰攝政管叔蔡叔流言曰公將  
 不剝於孺子與武庚作亂武庚者武王所立紂子祿  
 父為殷後者也周公東征誅武庚管叔放蔡叔王長  
 周公歸政初武王作鎬京謂之宗周是為西都將營  
 洛邑未果王欲如武王之志召公遂相宅周公至洛  
 築王城是為東都以洛為天下中四方入貢道里均  
 也王居西都而朝會諸侯東都周公召公相成王為  
 左右人自陝以西召公主之自陝以東周公主之交  
 趾南有越裳氏重三譯而來獻白雉曰吾受命國之  
 黃耆天無烈風淫雨海不揚波三年矣意者中國有

聖人乎周公歸之王薦于宗廟使者迷歸路周公錫  
 以駟車五乘皆為指南之制使者載之由扶南林邑  
 海際舂羊而至國故指南車常為先導示服遠人而  
 正四方成王崩子康王釗立成康之際天下安寧刑  
 錯四十餘年不用康王崩子昭王瑕立昭王南巡狩  
 至楚以膠舟載之溺不返子穆王滿立有造父者以  
 善御幸於王得八駿馬遊行天下將皆有車轍馬跡  
 王西巡世傳王以此時觴西王母瑤池上樂而忘歸  
 徐偃主作亂造父御王長驅歸救亂告楚伐徐徐敗  
 王將征犬戎祭公謀父諫曰先王耀德不觀兵王不



聽征之得四，白狼四，白鹿以歸，自是荒服不至。諸侯不睦，崩子共王繫扈立，崩子懿王難立，崩弟考王辟方立，崩子夷王燹立，下堂而見諸侯。楚始僭稱王，夷王崩子厲王胡立，無道暴虐，侈傲得衛巫，使監國人，之謗者以告，則殺之。道路以目。王喜曰：吾能弭謗矣。或曰：是障也。防民之口，甚於防川。水壅而潰，傷人必多。王弗聽。於是國人相與畔，王出奔彘。二相周召共理國事，曰共和者，十四年而王崩于彘。子宣王靜立，任賢使能，有召穆公、方叔、尹吉甫、仲山甫等為政於內外。王化復行，周室中興焉。崩子幽王宮涅立，初夏

后氏之世，有二龍降于庭，曰：予褒之二君，卜藏其釐。歷夏殷，莫敢發。周人發之，釐化為龜，童妾遇之而孕，生女棄之。宣王時有童謠曰：歷孤箕服實亡，周國適有鬻是器者。宣王使執之，其人逃於道，見棄女哀其夜號而取之，逸於褒。至幽王之時，褒人有罪，入是女於王，是為褒姒。王嬖之，褒姒不好笑，王欲其笑，萬方不笑。故王與諸侯約有冠，至則舉烽火，召其兵來援，乃無故舉火，諸侯悉至而無寇。褒姒大笑，王廢申后及太子宜臼，以褒姒為后。其子伯服為太子，宜臼奔申，王未殺之，弗得伐申。申侯召犬戎攻王，王舉烽火，

小學一八各書本  
卷之一  
十一  
正治堂藏片



徵兵不至。犬戎殺王驪山下。諸侯立宣白。是為平王。以<sub>テ</sub>西都逼<sub>ラ</sub>於<sub>レ</sub>戎。徙居東都。王城時。周室衰微。諸侯強。并弱。齊楚秦晉始大。平王之四十九年。即魯隱公之元年。其後孔子修春秋始此。平王崩。太子之子桓王林立。崩子莊王佗立。崩子釐王胡齊立。齊桓公始霸。釐王崩子惠王閔立。崩子襄王鄭立。晉文公始霸。襄王崩子頃王壬匡立。崩子匡王班立。崩弟定王瑜立。楚莊王使人問鼎輕重。王孫滿卻之。定王崩子簡王夷立。吳始僭稱王。簡王崩子靈王泄心立。孔子生於其時。靈王崩子景王貴立。崩子悼王猛立。庶弟子朝

弒之。晉人攻子朝而立敬王丐。孔子歿於其時。敬王崩子元王仁立。崩子貞定王人立。崩子哀王去疾立。弟思王叔帶襲弒之而立少弟考王嵬。又攻殺思王而自立。崩子威烈王午立。晉趙氏魏氏韓氏始侯。周自東遷以來。及是二十世而愈微。諸侯用兵爭強。號為戰國。威烈王崩子安王驕立。齊田氏始侯。安王崩子烈王喜立。崩弟頭王扁立。諸侯皆僭稱王。頭王崩子慎靚王定立。崩子赧王延立。五十九年與諸侯約從攻秦。秦昭王攻周。赧王奔秦。頭首受罪。盡獻其邑。秦受獻而歸赧王於周。以卒。周為天子三十七世。

小學十八史冊諸子... 卷之十一 三十三 正德堂藏版



初夏亡九鼎遷殷殷亡遷周成王定鼎於郊廓卜曰傳世卅歷年七百至是乃過其歷凡八百六十七年。

### 春秋戰國

周平王以後為春秋之世其列國與周同姓者曰魯曰衛曰晉曰鄭曰曹曰蔡曰燕曰吳其與周異姓者曰齊曰宋曰陳曰楚曰秦此其大者餘小國若春秋所書杞許滕薛邾莒江黃之屬不可盡述於十二列國之中有齊桓公宋襄公晉文公秦穆公楚莊王五霸事跡若論春秋諸國之終始有未及戰國而先亡者有既及戰國而後亡者各舉其

槩周威烈王以後為戰國之世則秦楚燕齊趙魏韓七大國而已秦楚燕猶為春秋之舊國田齊趙魏韓則為戰國之新國凡春秋戰國之國雖繫周之諸侯而國異政實不繫於周難於盡載附見周之下方其時各有先後則觀者詳之

吳姬姓大伯仲雍之所封也十九世至壽夢始稱王壽夢四子幼曰季札札賢欲使三子相繼立以及札札義不可封延陵號曰延陵季子聘上國過徐徐君愛其寶劍季子心知之使還徐君已歿遂解劍懸其墓而去壽夢後四君而至闔廬舉伍員謀國事員字



子昏。楚人伍奢之子奢誅而奔吳。以吳兵入郢。吳伐越。闔廬傷而死。子夫差立。子昏復事之。夫差志復讎。朝夕卧薪中。出入使人呼曰。夫差而忘越人之殺而父邪。周敬王二十六年。夫差敗越于夫椒。越王勾踐以餘兵棲會稽山。請為臣。妻為妾。子昏言不可。太宰伯嚭受越賂。說夫差赦越。勾踐反國。懸膽於坐。卧則仰膽。嘗之曰。女忘會稽之耻耶。舉國政屬大夫種。而與范蠡治兵。事謀吳太宰嚭。諸子昏耻謀不用。怨望夫差。乃賜子昏屬鏤之劍。子昏告其家人曰。必樹吾墓。檟可材也。抉吾目懸東門。以觀越兵之滅吳。乃

自剄。夫差取其尸。盛以鴟夷。投之江。吳人憐之。立祠。江上。命曰胥山。越十年生聚。十年教訓。周元王四年。越伐吳。吳三戰三北。夫差上姑蘇。亦請成於越。范蠡不可。夫差曰。吾無以見子昏。為慎。乃死。越既滅吳。范蠡去之。遺大夫種書曰。越王為人。長頸烏喙。可與共患難。不可與共安樂。子何不去。種稱疾不朝。或說種且作亂。賜劍死。范蠡裝其輕寶珠玉。與私從乘舟。江湖浮海。出齊。變姓名。自謂鴟夷子皮。父子治產至數千萬。齊人聞其賢。以為相。蠡喟然曰。居家致千金。居官致卿相。此布衣之極也。久受尊名。不祥。乃歸相。



印盡散其財懷重寶間行止於陶自謂陶朱公貨累  
鉅萬魯人猗頓往問術焉蠡曰畜五牲乃大畜牛羊  
於猗氏十年間貨擬王公故天下言富者稱陶朱猗  
頓

蔡姬姓蔡仲之所封也周公蔡蔡叔於郭鄰其子胡  
率德改行復封于蔡後世至春秋之末為楚惠王所  
滅

曹姬姓武王弟曹叔振鐸之所封也其後世至春秋  
中為宋所滅

宋子姓商紂庶兄微子啓之所封也後世至春秋有

襄公茲父者欲霸諸侯與楚戰公子目夷請及其未  
陣擊之公曰君子不困人於阨遂為楚所敗世笑  
以為宋襄之仁其後有景公者榮惑嘗以其時守心  
心宋之分野公憂之司星子韋曰可移於相公曰相  
吾之股肱曰可移於民公曰君者待民曰可移於歲  
公曰歲饑民困吾誰為君子韋曰天高聽卑君有君  
人之言三宜有動候之果徙一度歷數世至康王偃  
有雀生鱗占之曰必霸天下偃喜敗齊楚魏與為敵  
國偃淫虐天下號之曰桀宗周慎覲王時齊湣土與  
楚魏共伐宋滅之而分其地



魯姬姓。周公子伯禽之所封也。周公誨成王。王有過則撻伯禽。伯禽就封。公戒之曰。我文王之子。武王之弟。今王之叔父。然我一沐三握髮。一飯三吐哺。起以待士。猶恐失天下賢人。子之魯。慎無以國驕人。太公封於齊。五月而報政。周公曰。何疾也。曰。吾簡其君臣。禮從其俗。伯禽至魯。二年而報政。周公曰。何遲也。曰。變其俗。革其禮。喪三年而後除之。周公曰。後世其北面事齊乎。夫政不簡不易。民不能近。平易近民。民必歸之。周公問太公。何以治齊。曰。尊賢而尚功。周公曰。後世必有篡弒之臣。太公問周公。何以治魯。曰。尊賢

而親親。太公曰。後寢弱矣。伯禽十三世而至。隱公爲春秋之始。隱公之弟曰桓公。桓公之子莊公。莊公有庶弟二人。曰慶父。其後爲孟孫氏。曰叔牙。其後爲叔孫氏。曰季友。其後爲季孫氏。是爲三桓。世執國命。歷子班。閔公。僖公。文公。宣公。成公。襄公。至昭公。伐季氏。三家共伐之。公奔乾侯。以卒。第定公立。以孔子爲中都宰。一年。四方皆則之。由中都爲司空。進爲大司寇。相定公會齊侯于夾谷。孔子曰。有文事者必有武備。請具左右司馬以從。既會齊。有司請奏四方之樂。於是旌旄劍戟鼓譟而至。孔子趨而進曰。吾兩君爲好。夷狄



之樂何為於此。齊景公心忤麾之。齊有司請奏宮中  
 之樂。優倡侏儒戲而前。孔子趨而進曰。匹夫焚惑諸  
 侯者。罪當誅。請命有司加法焉。首足異處。景公懼歸  
 語其臣曰。魯以君子之道輔其君。而子獨以夷狄之  
 道教寡人。於是齊人乃歸所侵魯。鄆汶陽龜陰之地  
 以謝魯。孔子言於定公。將隨三都以強公室。叔孫氏  
 先墮。郈季氏隨。費孟氏之臣不肯隨。成圍之弗克。孔  
 子由太司寇攝行相事。十日而誅亂政大夫少正卯。  
 居三月。魯大治。齊人聞之。懼乃歸女樂於魯。季桓子  
 受之不聽政。郊又不致。膳俎於大夫。孔子遂去魯。定

公卒。子哀公立。欲以越伐三桓。不克。歷悼公元公。至  
 繆公。知尊子思而不能用。歷共公。康公。至平公。嘗欲  
 見孟子。而不果。歷文公。至頃公。為楚考烈王所滅。魯  
 自周公至頃公。凡三十四世。○孔子名丘。字仲尼。  
 其先宋人也。有正考父者。佐宋三命。滋益恭。其鼎銘  
 云。一命而僂。再命而偃。三命而俯。循牆而走。亦莫余  
 敢侮。饘於是。粥於是。以餬予口。孔氏滅於宋。其後適  
 魯。有叔梁紇者。與顏氏女。禱於尼山。而生孔子。為兒  
 嬉戲。常陳俎豆。設禮容。長為季氏吏。料量平。嘗為司  
 檝吏。畜蕃息。適周。問禮於老子。反而弟子稍益。進適



齊齊景公將待以季孟之間。孔子及魯定公用之不  
終。適衛將適陳。過匡。匡人嘗為陽虎所暴。孔子貌類  
陽虎。止之。既免。反于衛。醜靈公所為去之。過曹。適宋。  
與弟子習禮大樹下。桓離伐拔其樹。適鄭。鄭人曰。東  
門有人。其類似堯。其項類皋陶。其肩類似子產。自要以  
下。不及禹三寸。累累然若喪家之狗。適陳。又適衛。將  
西。見趙簡子。至河。聞竇鳴犢。華殺死。臨河歎曰。美  
哉水。洋洋乎。丘之不濟此命也。反于衛。適陳。適蔡。如  
葉。反于蔡。楚使人聘之。陳蔡大夫謀曰。孔子用於楚。  
則陳蔡危矣。相與發徒圍之於野。孔子曰。詩云。匪兕

匪虎。率彼曠野。吾道非邪。吾何為於是。子貢曰。未子  
道至大。天下莫能容顏。曰。不容何病。然後見君子。  
楚昭王與師迎之。乃得至。楚將封以書社。地七百里。  
令尹子西不可。孔子反于衛。季康子迎歸。魯哀公問  
政。終不能用。乃序書上自唐虞。下至秦繆。刪古詩三  
千。為三百五篇。皆絃歌之禮樂。自此可述。晚而喜易。  
序彖象繫辭說卦文言讀易韋編三絕。因魯史記作  
春秋。自隱至哀。十二公。絕筆於獲麟。筆則筆削。則削  
子夏之徒。不能贊一辭。弟子三千人。身通六藝者七  
十有二人。年七十三而卒。子鯉字伯魚。早死。孫伋字



子思作中庸孟子其門人也名軻魯子孟孫之後生於鄒幼被慈母三遷之教長受業子思之門道既通游齊梁不用退與萬章之徒難疑答問作十篇（老子者楚苦縣人也李姓名耳字伯陽又曰字聃為周守藏吏孔子問焉老子告之曰良賈深藏若虛君子盛德容貌若愚孔子去謂弟子曰鳥吾知其能飛魚吾知其能游獸吾知其能走走者可以為網游者可以為綸飛者可以為矰至於龍吾不能知其乘風雲而上天也今見老子其猶龍乎老子見周襄去至闕關令尹喜曰子將隱矣為我著書乃著道德五千餘言

而去莫知其所終其後有鄭人列禦寇蒙人莊周亦為老子之學莊周著書侮孔子而誚諸子焉  
 衛姬姓武王母弟康叔封之所封也後世至春秋有靈公夫人南子之亂子蒯聵欲殺南子不果出奔公卒立蒯聵之子輒蒯聵入輒拒之子路與其難太子之臣以戈擊子路斷纓子路曰君子死冠不免結纓而死衛人醢子路孔子聞之命覆醢戰國時子思居於衛言苟變可將衛侯曰變嘗為吏賦於民食人雞子故弗用子思曰聖人用人猶匠之用木取其所長棄其所短故杞梓連抱而有數尺之朽良工不棄

小學十八史略讀本 卷之一 二十一 正德堂藏書



今君處戰國之世。而以二卵棄干城之將。此不可使聞於鄰國也。衛侯言計非是。而群臣和者如出一口。子思曰。君之國事將日非矣。君出言自以為是。而卿大夫莫敢矯其非。卿大夫出言自以為是。而士庶人莫敢矯其非。詩曰。具曰予聖。誰知烏之雌雄。周之諸侯。惟衛最後亡。至秦并天下。為帝二世始廢君角為庶人。

鄭姬姓周宣王庶弟桓公友之所封也。桓公子武公。與其子莊公並為周司徒。數世至聲公。相子產。子產者公族國氏名。僑。孔子過鄭。與子產如兄弟。云穆襄以來。鄭無歲不被晉楚之兵。子產受之以禮。自固。雖晉楚之暴。不能加焉。鄭至周威烈王時。君乙為韓哀侯。所滅。韓徙都之。

晉姬姓。成王弟唐叔虞之所封也。成王幼。與叔虞戲。削桐葉為珪。曰。以此封若。史佚請擇。曰。王曰。吾與之戲耳。佚曰。天子無戲言。遂封唐。後世至文公。霸諸侯。文公名重耳。獻公之次子也。獻公嬖於驪姬。殺太子申生。而伐重耳於蒲。重耳出奔。十九年。而後反國。嘗餒於曹。今子推割股以食之。及歸。賞從亡者。狐偃趙衰。顛頡。魏犢。而不及子推。子推之從者。懸書宮門。曰。



有龍矯矯頃失其所五蛇從之周流天下龍饑乏食  
 一蛇封股龍返於淵安其壤土四蛇入穴皆有處處  
 一蛇無穴號于中野公曰噫寡人之過也使久求之  
 不得隱綿上山中焚其山子推死焉後人為之寒食  
 文公環綿上田封之號曰今山文公卒其後遂世為  
 霸歷襄公靈公成公景公厲公至悼公霸業復盛又  
 歷平公昭公頃公公室益弱而六卿范氏知氏中行  
 氏趙氏魏氏韓氏皆大歷定公至出公知氏與趙魏  
 韓氏分范中行氏公怒四卿反攻公公出奔而死哀  
 公立韓趙魏氏又滅知氏而分之幽公立晉獨有絳

曲沃餘皆入韓趙魏氏號為三晉烈公立二卿以周  
 威烈王命為侯又歷孝公至靜公魏武侯韓哀侯趙  
 敬侯共廢靜公為家人而分其地晉絕不祀

陳媯姓虞舜之後胡公滿之所封也周武王求而封  
 之後世至春秋有公子完者出奔而仕于齊陳後為  
 楚惠王所滅而完之後遂大子齊為田氏

齊姜姓太公望呂尚之所封也後世至桓公霸諸侯  
 五霸桓公為始名小白兄襄公無道群弟恐禍及子  
 糾奔魯管仲傅之小白奔莒鮑叔傅之襄公為弟無  
 知所弒無知亦為人所殺齊人召小白於莒而魯亦



發兵送糾管仲嘗遮莒道射小白中帶鈞小白先至  
齊而立鮑叔牙薦管仲為政公置怨而用之仲字夷  
吾嘗與鮑叔賈分利多自與鮑叔不以為貪知仲貪  
也嘗謀事窮困鮑叔不以為愚知時有利不利也嘗  
三戰三走鮑叔不以為怯知仲有老母也仲曰生我  
者父母知我者鮑子也桓公九合諸侯一匡天下皆  
仲之謀一則仲父二則仲父仲病桓公問群臣誰可  
相易牙何如仲曰殺子以食君非人情不可近開方  
何如曰倍親以適君非人情不可近蓋開方故衛公  
子來奔者也堅刁何如曰自宮以適君非人情不可

近仲死公不用仲言卒近之二子專權公內寵如未  
人者六皆有子公薨五公子爭立相攻公尸在床無  
殯歛者六十七日尸蟲出于戶自桓公八世至景公  
有晏子者事之名嬰字平仲以節儉力行重於齊一  
狐裘卅年豚肩不掩豆齊國之士待以舉火者七十  
餘家晏子出其御之妻從門間窺其夫擁大蓋策駟  
馬意氣揚揚自得既而歸妻請去曰晏子身相齊國  
名顯諸侯觀其志嘗有以自下子為人僕御自以為  
足妾是以求去也御者乃自抑損晏子怪而問之以  
實對薦為大夫公使晏子之晉與叔向私語以為齊



政必歸陳氏如其言景公後五世至康公田和受周安王命為侯遷康公海濱以死姜氏遂絕不祀田氏齊者本媯姓故陳厲公佗子完之後也完奔齊為陳氏後又以陳為田氏完事齊桓公為王正卒蓋敬仲五世至釐子乞事齊景公為大夫其收賦稅於民以小斗受之其粟予民以大斗行新惠於民而公弗禁由是得齊衆乞專政卒子成子桓弒簡公立平公封邑大於公所食恒卒襄子盤立與韓趙魏通使蓋三家且有晉而田氏且有齊也歷莊子白至太公和遂以周安王命為侯卒子桓公午立卒子威王因齊立

初不治諸侯皆來伐八年楚大發兵加齊齊使淳于髡請救于趙齎金百斤車馬十駟髡仰天大笑王曰先生少之乎髡曰臣見道傍有穰田者操一豚蹄酒一壺祝曰甌窶滿篝汙邪滿車五穀蕃熟穰穰滿家臣見其所持者狹所欲者奢故笑之王乃益黃金千鎰白璧十雙車馬百駟髡乃行時齊國幾不振王乃召即墨大夫語之曰自子之居即墨也毀言日至然吾使入視即墨田野辟人民給官無事東方寧是子不事吾左右以求助也封之萬家召阿大夫語之曰自子之守阿譽言日至吾使入視阿田野不辟人民



貪餒趙攻鄆子不救衛取薛陵子不知是子厚幣事  
吾左右以求譽也是日烹阿大夫與嘗譽者群臣聳  
懼莫敢飾詐齊大治諸侯不敢復致兵威王與魏惠  
王會田于郊惠王曰齊有寶乎王曰無有惠王曰寡  
人國雖小猶有徑寸之珠照車前後各十二乘者十  
枚威王曰寡人之寶與王異吾臣有檀子者使守南  
城楚不敢爲寇泗上十二諸侯皆來朝有盼子者使  
守高唐趙人不敢東漁於河有黔夫者使守徐州則  
燕人祭北門趙人祭西門有種首者使備盜賊道不  
拾遺此四臣者將照千里豈特十二乘哉惠王有慚

色威王卒子宣王立喜文學游說之士騶衍淳于髡  
田駢慎到之徒七十六人皆爲上大夫是以齊稷下  
學士盛且數百千人然而孟子至而不能用魏伐韓  
韓請救於齊齊使田忌爲將以救韓魏將龐涓嘗與  
孫臏同學兵法涓爲魏將軍自以所不能及以法斷  
其兩足而黥之齊使至魏竊載以歸至是臏爲齊軍  
帥直走魏都涓去韓而歸臏使齊軍入魏地者爲十  
萬竈明日爲五萬竈又明日爲二萬竈涓大喜曰我  
固知齊軍怯入吾地三日士卒亡者過半矣乃倍日  
并行逐之臏度其行暮當至馬陵道陘而旁多阻可



必用一ノ見田詩

卷之二

正字堂

伏兵乃斫大樹白而書曰龐涓死此樹下令齊師善  
 射者萬弩夾道而伏期暮見火舉而發涓果夜至斫  
 木下見白書以火燭之萬弩俱發魏師大亂相失涓  
 自到曰遂成豎子之名齊大破魏師虜太子申宣王  
 卒涓王立靖郭君田嬰者宣王之庶弟也封於薛有  
 子曰文食客數千人名聲聞於諸侯號為孟嘗君秦  
 昭王聞其賢乃先納質於齊以求見至則止囚欲殺  
 之孟嘗君使人抵昭王幸姬求解姬曰願得君狐白  
 裘蓋孟嘗君嘗以獻昭王無他裘矣客有能為狗盜  
 者入秦藏中取裘以獻姬姬為言得釋即馳去變姓

名夜半至函谷關關法鷄鳴方出客恐秦王後悔追  
 之客有能為鷄鳴者鷄盡鳴遂發傳出食頃追者果  
 至而不及孟嘗君歸怨秦與韓魏伐之入函谷關秦  
 割城以和孟嘗君相齊或毀之於王乃出奔涓王滅  
 宋而驕燕昭王以齊嘗破燕之故與諸侯合謀而攻  
 齊燕軍入臨淄涓王走莒楚將淖齒救齊反殺涓王  
 而與燕共分齊之侵地王孫賈從涓王於莒而失王  
 處其母曰汝朝出而晚來吾則倚門而望汝暮出而  
 不還吾則倚閭而望汝今事王王走汝不知處汝尚  
 何歸焉賈乃攻淖齒殺之求涓王子法章而立之保

小學一ノ見田詩 卷之二 正字堂



必用一ノ史田詩卷之一  
三十一 正德堂藏版  
莒以抗燕時齊城惟莒即墨不下即墨人推田單為  
將軍身操版鍤與士卒分功妻妾編於行伍收城中  
得牛千餘為絳繒衣畫五彩龍文束兵刃其角灌脂  
束葦於尾燒其端擊城數十穴夜縱牛壯士隨其後  
牛尾熱怒奔燕軍所觸盡死傷而城中鼓譟從之聲  
振天地燕軍敗走七十餘城皆復為齊迎襄王於莒  
封單為安平君單攻狄三月不克魯仲連曰將軍在  
即墨曰無可往矣宗廟亾矣將軍有死之心士卒無  
生之氣莫不揮泣奮臂欲戰今將軍東有夜邑之奉  
西有淄上之娛黃金橫帶騁子淄澠之間有生之樂

無死之心故不勝也單明白厲氣巡城立於矢石之  
所援枹鼓之狄人乃下襄王既立而孟嘗君中立為  
諸侯無所屬王畏之與連和初馮驩聞孟嘗君好客  
而來見置傳舍十日彈劍作歌曰長鋏歸來乎食無  
魚迂之幸舍食有魚矣又歌曰長鋏歸來乎出無輿  
迂之代舍出有輿矣又歌曰長鋏歸來乎無以為家  
孟嘗君不悅時邑人不足以奉客使人出錢於薛貸  
者多不能與息孟嘗君乃進驢請責之驢往不能與  
者取其券燒之孟嘗君怒驢曰令薛民親君孟嘗君  
竟為薛公終於薛襄王卒子建立母君王后賢事秦



謹與諸侯信。君主后卒，齊客多，受秦金為反間，勸王朝秦，不修攻戰之備，不助五國攻秦。秦主政既滅五國，兵入臨淄，王建遂降，遷于共。處之松柏之間而死，以齊為郡。齊人歌之曰：松柏栢，邪住建共者客邪。趙之先本與秦同姓，祖於蜚廉，有子季勝。其後有造父者，事周穆王，以功封趙城，由是為趙氏。春秋時有趙夙者，事晉夙，生成子衰，衰生宣子盾，人曰趙衰。冬日之日也，趙盾夏日之日也，冬日可愛，夏日可畏。盾生朔，大夫屠岸賈滅朔之族，朔有遺腹子武，賈索之，不得，朔客程嬰，公孫杵臼相與謀曰：立孤與死孰難？

嬰曰：死易，立孤難耳。杵臼曰：子為其難，杵臼取它兒匿山中，嬰出，謬曰：與我千金，吾告趙氏。孤處，賈喜，乃使入隨嬰，殺杵臼及孤，而趙氏真孤在。嬰後與武滅賈，竟立武而自殺。以下報宣孟及杵臼。武卒，號文子。文子生景叔，景叔生簡子，鞅。簡子有臣曰周舍，死，簡子每聽朝，不悅，曰：千羊之皮，不如一狐之腋。諸大夫朝，徒聞唯唯，不聞周舍之鄂鄂也。簡子長子曰伯魯，幼曰無恤。書訓戒之辭於二簡，以授二子，曰：謹識之。三年而問之，伯魯不能舉其辭，求其簡已失之矣。無恤誦其辭甚習，求其簡出諸懷中而奏之，於是立無



必用十八史略讀本 卷之一  
恤為後簡子使尹鐸為晉陽請曰以為繭絲乎以為  
保障乎簡子曰保障哉尹鐸損其戶數簡子謂無恤  
曰晉國有難必以晉陽為歸簡子卒無恤立是為襄  
子智伯求地於韓魏皆與之求於趙不與率韓魏之  
甲以攻趙襄子出走晉陽三家圍而灌之城不浸者  
三板沈竈產鼃民無叛意襄子陰與韓約共敗智伯  
滅知氏而分其地襄子漆知伯之頭以為飲器知伯  
之臣豫讓欲為之報仇乃詐為刑人挾匕首入襄子  
宮中塗廁襄子如廁心動索之獲讓問曰子不嘗事  
范中行氏乎知伯滅之子不為報讐反委質於知伯

知伯死子獨何為報仇之深也曰范中行氏眾人遇  
我我故眾人報之知伯國士遇我我故國士報之襄  
子曰義士也舍之謹避而已讓漆身為厲吞炭為啞  
行乞於市其妻不識也其友識之曰以子之才臣事  
趙孟必得近幸子乃為所欲為願不易耶何乃自苦  
如此讓曰不可既委質為臣又求殺之是二心也凡  
吾所為者極難耳然所以為此者將以愧天下後世  
為人臣懷二心者也襄子出讓伏橋下襄子馬驚索  
之得讓遂殺之襄子立伯魯之孫浣是為獻子獻子  
生烈侯籍以周威烈王命為侯歷武公敬侯成侯至



必用一八只時請不  
肅侯。秦人恐喝諸侯，求割地。有洛陽人蘇秦，游說秦惠主，不用，乃往說燕文侯，與趙從親，燕資之。以至趙，說肅侯曰：「諸侯之卒十倍於秦，并力西向，秦必破矣。」為木王計，莫若六國從親，以擯秦。肅侯乃資之，以約諸侯。蘇秦以鄙諺說諸侯曰：「寧為鷄口，無為牛後。」於是六國從合。蘇秦者，師鬼谷先生，初出游，困而歸，妻不下機，嫂不為炊。至是為從約，長并相六國，行過洛陽，車騎輜重，擬於王者。昆弟妻嫂側目，不敢視。俯伏侍取食。蘇秦笑曰：「何前倨而後恭也？」嫂曰：「見季子位高，金多也。」秦喟然歎曰：「此一人之身，富貴則親戚畏。」

懼之。貪賤則輕易之。況衆人乎？使我有洛陽負郭田二頃，豈能佩六國相印乎？於是散千金以賜宗族朋友，既定從約，歸趙。肅侯封為武安君。其後秦使犀首欺趙，欲敗從約。齊魏伐趙，蘇秦恐去趙而從約解。肅侯子武靈王胡服，招騎射畧胡地，滅中山，欲南襲秦。不果。傳子惠文王。惠文嘗得楚和氏璧，秦昭王請以十五城易之，欲不與。畏秦強，欲與。恐見欺。蘭相如願奉璧往，城不入，則臣請完璧而歸。既至，秦王無意償。城相如乃給取璧，怒髮指冠，卻立柱下，曰：「臣頭與璧俱碎。」遣從者懷璧間行，先歸身待命於秦。秦昭王賢



而歸之秦王約趙王會澠池相如從及飲酒秦王請  
趙王鼓瑟趙王鼓之相如復請秦王擊缶為秦聲秦  
王不肯相如曰五步之內臣得以頸血濺大王左右  
欲刃之相如叱之皆靡秦王為一擊缶秦終不能有  
加於趙趙亦盛為之備秦不敢動趙王歸以相如為  
上卿在廉頗右頗曰我為趙將有攻城野戰之功相  
如素賤人徒以口舌居我上吾羞為之下我見相如  
必辱之相如聞之每朝常稱病不欲與爭列出望見  
輒引車避匿其舍人皆以為耻相如曰夫以秦之威  
相如廷叱之辱其群臣相如雖驚獨畏廉將軍哉顧

念強秦不敢加兵於趙者徒以吾兩人在也今兩虎  
共鬪其勢不俱生吾所以為此者先國家之急而後  
私讐也頗聞之肉袒負荆詣門謝罪遂為刎頸之交  
惠文王子孝成王立秦伐韓韓上黨降於趙秦攻趙  
廉頗軍長平堅壁不出秦人行千金為反間曰秦獨  
畏馬服君趙奢之子括為將耳王使括代頗相如曰  
王以名使括若膠柱鼓瑟耳括徒能讀其父書不知  
合變也王不聽括少學兵法以天下莫能當與父奢  
言不能難然不以為然括母問故奢曰兵死地也而  
括易言之趙若將括必破趙軍及括將行其母上書



言括不可使括至軍果為秦將白起所射殺卒四十萬皆降坑於長平趙相平原君公子勝食客常數千人客有公孫龍者為堅白同異之辯秦攻趙邯鄲平原君求救於楚擇門下文武備具者二十一人與之俱得十九人毛遂自薦平原君曰士處世若錐處囊中其末立見今先生處門下三年未有聞遂曰使遂得處囊中乃穎脫而出非特末見而已平原君乃以備數十九人目笑之至楚定從不決毛遂按劍歷階升曰從之利害兩言而決耳今日出而言日中不決何也楚王怒叱曰胡不下吾與而君言汝何為者毛遂

按劍而前曰王所以叱遂以楚國之眾也今十步之內不得恃楚國之眾也王之命懸於遂手以楚之強天下莫能當白起小豎子耳一戰而舉鄢郢再戰而燒夷陵三戰而辱王之先人此百世之怨趙之所羞合從為楚非為趙也王曰唯唯誠若先生之言謹奉社稷以從遂曰取雞狗馬之血來捧銅盤跪進曰王當歃血而定從次者吾君次者遂左手持盤右手招十九人歃血於堂下曰公等碌碌所謂因人成事者也平原君定從歸曰毛先生一至楚使趙重於九鼎大呂以遂為上客楚將春申君救趙會魏信陵君亦



來救趙大破秦軍邯鄲下孝成王子悼襄王立思復  
用廉頗為將時頗奔在魏使人視頗頗之仇郭開與  
使者金令毀之頗見使者一飯斗米肉十斤被甲上  
馬以示可用使者還曰廉將軍尚善飯然與臣坐頃  
之三遺失矣王以為老遂不召楚人迎頗於魏頗為  
楚將無功曰我思用趙人尋卒趙得李牧為將先居  
北邊破匈奴悼襄王子幽繆王遷立秦王政遣兵攻  
趙牧為大將敗之秦縱反間言牧將反遷誅之秦兵  
至虜遷趙之七大夫立趙嘉為王王子代秦進攻破  
嘉遂滅趙為郡

魏之先本與周同姓文王子畢公高之後也國絕有  
苗裔曰畢萬事晉邑于魏數世有絳絳後四世曰桓  
子者與韓趙共滅知氏而分之桓子之孫曰文侯斯  
者以周威烈王命為侯以子夏田子方為師過段  
干木之間必式四方賢士多歸之文侯之子擊遇子  
方于道下車伏謁子方不為禮擊怒曰富貴者驕人  
乎貧賤者驕人乎子方曰亦貧賤者驕人耳富貴者  
安敢驕人國君而驕人失其國大夫而驕人失其家  
夫士貧賤者言不用行不合則納履而去耳安往而  
不得貧賤哉擊謝之文侯謂李克曰先生嘗教寡人



家貧思良妻國亂思良相今所相非魏成則翟璜二子何如克曰居視其所親富視其所與達視其所舉窮視其所不爲貧視其所不取五者足以定之矣子夏甲子方段干木成所舉也乃相成有衛人吳起者初仕魯魯欲使起擊齊而起娶齊女疑之起殺妻以求將大破齊師或曰起殘忍薄行人也起恐得罪歸魏文侯以爲將拔秦五城起與士卒同衣食卒有病疽起吮之卒毋聞而哭曰往年吳公吮其父不旋踵死敵今又吮其子妾不知其死所矣文侯卒子擊立是爲武侯武侯浮西河而下中流顧謂吳起曰美哉

山河之固魏國之寶也起曰在德不在險昔三苗氏左洞庭右彭蠡禹滅之桀之居左河濟右泰華伊闕在其南羊腸在其北湯放之紂之國左孟門右太行恆山在其北太河經其南武王殺之若不修德舟中人皆敵國也武侯曰善武侯卒子惠立東敗於齊將軍龐涓與太子申皆死南敗於楚西喪地於秦乃卑辭厚幣以招賢者孟子至而不用子襄王立孟子去之齊魏人有張儀者與蘇秦同師嘗遊楚爲楚相所辱妻愠有語儀曰視吾舌尚在否蘇秦約從時激儀使入秦儀曰蘇君之時儀何敢言蘇秦去趙而



從解儀專為橫連六國以事秦秦惠王時儀嘗以秦兵伐魏得一邑復以與魏而欺魏割地以謝秦歸為秦相已而出為魏相實為秦地襄王時復歸相秦已而復出相魏以卒魏安釐王立封公子無忌為信陵君無忌愛人下士食客三千人秦攻趙魏王使晉鄙救之秦昭王欲移兵先擊救者王恐止晉鄙兵壁于鄴又使新垣行說趙共尊秦為帝魯仲連往見行曰彼秦者棄禮義上首功之國也即肆然帝天下則連有蹈東海而死耳行再拜曰先生天下士也吾不敢復言帝秦與趙平原君夫人無忌姊也趙急使者冠

蓋相望責救於無忌無忌請於王及使賓客游說萬端王不聽客侯嬴教無忌禱於王幸姬竊得晉鄙兵符且薦力士朱亥與俱謂晉鄙合符而疑則擊殺而奪其軍一如嬴言得兵以進大破秦兵解邯鄲圍而無忌不敢歸魏秦伐魏魏患之使人請無忌不肯歸客毛公薛公見曰魏急而公子不恤一旦秦克大梁夷先王宗廟公子何面目立於天下乎無忌趣駕還諸侯聞無忌為魏將皆遣救無忌率五國兵敗秦兵於河外追至函谷關而還無忌卒十八年而魏王假立後又二年秦王政遣兵伐魏殺王假而滅魏為郡



韓之先本與周同姓武王子韓侯之後也國絕其後  
 裔事晉為韓氏韓武子之三子曰厥厥五世至康子  
 與趙魏共滅知氏又二世曰景侯度以周威烈王命  
 為侯韓相佼累與濮陽嚴仲子有惡仲子聞軹人聶  
 政之勇以黃金百鎰為政母壽欲因以報仇政曰老  
 母在政身未可以許人也及母卒仲子乃使政圖之  
 使累方坐府兵衛甚嚴政直入刺之因自皮面抉眼  
 韓人暴其尸於市購問其能識姊娒往哭之曰是深  
 井里聶政也以妾在故重自刑以絕蹤妾奈何畏沒  
 身之誅終沒賢弟之名遂死政尸旁景侯四世至哀

侯徙都鄭哀侯二世至昭侯鄭人申不害以黃老刑  
 名之學為昭侯相國治兵強昭侯有弊袴命藏之不  
 以賜左右侍者曰君亦不仁者矣昭侯曰明主愛一  
 嚔一笑嚔有為嚔者笑有為笑今袴豈特嚔笑哉吾  
 必待有功者昭侯卒子宣惠王立二世至桓惠王韓  
 上黨守降趙致趙受秦兵而有長平之敗又一世至  
 王安秦王政遺將虜安遂滅韓為郡

楚之先出自顓頊顓頊之子為高辛火正命曰祝融  
 弟吳回復居其職吳回二世有季連者得芣姓季連  
 之後有鬻熊事周文王成王封其子熊繹於丹陽至



夷王時。楚子熊渠者。僭為王。十一世。至春秋。有白武  
 王。益強大。至文王。始都郢。成王與齊桓公盟。召陵。尋  
 與宋襄公爭霸。後與晉文公戰。城濮。歷穆王。至莊王。  
 即位二年。不出令。日夜為樂。令國中敢諫者死。伍舉  
 曰。有鳥在鼻。三年不蜚。不鳴。是何鳥也。王曰。三年不  
 飛。飛將衝天。三年不鳴。鳴將驚人。蘇從亦入諫。王乃  
 左執從手。右抽刀。以斷鐘鼓之懸。明日聽政。任伍舉  
 為從。國人大悅。又得孫叔敖為相。遂霸諸侯。歷共王。  
 康王。郊敖。靈王。平王。昭王。惠王。簡王。聲王。悼王。肅王。  
 宣王。威王。至懷王。秦惠王欲伐齊。患楚與從親。乃使

張儀說楚王曰。王閉關而絕。齊請獻商於之地。六百  
 里。懷王信之。使勇士北辱齊王。齊王大怒。而與秦合。  
 楚使受地於秦。儀曰。地從某至某。廣袤六里。懷王大  
 怒。伐秦。大敗秦昭王。與懷王盟于黃棘。既而遺書懷  
 王。願與君王會武關。屈平不可。子蘭勸王行。秦人執  
 之。以歸。楚人立其子頃襄王。懷王卒於秦。楚人憐之。  
 如悲親戚。初。屈平為懷王所任。以讒見疏。作離騷。以  
 自怨。至頃襄王時。又以譖遷江南。遂投汨羅。以死。秦  
 拔郢。楚徙於陳。頃襄王卒。考烈王立。又徙於壽春。春  
 申君黃歇行相事。當是時。齊有孟嘗君。魏有信陵君。



趙有平原君。楚有春申君。皆好客。春申君食客三千餘人。平原君使人於春申君。欲夸楚為玳瑁簪、刀劍、室飾以珠玉。春申君上客皆躡珠履以見之。趙使大慙。趙人荀卿至楚。春申君以為蘭陵令。李園以妹獻春申君。有娠而後納之。考烈王是生幽王。園使盜殺春申君。以滅口。而專楚政。幽王卒。弟哀王為楚人。所弑而立。其庶兄負芻。秦王政遣將破楚。虜負芻。滅楚為郡。

燕姬姓。召公奭之所封也。三十餘世。至文公。嘗納燕秦之說。約六國為從。文公卒。易王噲立。十年。以國讓

其相子之。南面行王事。而噲老不聽政。顧為臣國大亂。齊伐燕。取之。醢子之。而殺噲。燕人立太子平為君。是為昭王。弔死問生。卑辭厚幣。以招賢者。問郭隗曰：齊因孤之國亂而襲破燕。孤極知燕小。不足以報誠。得賢士與共國。以雪先王之耻。孤之願也。先生視可者。得身事之。隗曰：古之君有以千金使涓人。求千里馬者。買死馬骨五百金。而返。君怒。涓人曰：死馬且買之。況生者乎。馬今至矣。不期年。千里馬至者三。今王必欲致士。先從隗。始况賢於隗者。豈遠千里哉。於是昭王為隗改築宮師事之。於是士爭趨燕。樂毅自魏



必用... 往以為車卿任國政已而使毅伐齊入臨淄齊王出  
走毅乘勝六月之間下齊七十餘城惟莒即墨不下  
昭王卒惠王立惠王為太子已不快於毅田單乃縱  
反間曰毅與新王有隙不敢歸以伐齊為名齊人惟  
恐他將來即墨殘矣惠王果疑毅乃使騎劫代將而  
召毅毅奔趙田單遂得破燕而復齊城惠王後有武  
成王孝王至王喜喜太子丹質於秦秦王政不禮焉  
怒而止歸怨秦欲報之秦將軍樊於期得罪亡之燕  
丹受而舍之丹聞衛人荊軻賢身辭厚禮請之奉養  
無不至欲遣軻軻請得樊將軍首及燕督亢地圖以

獻秦丹不忍殺於期軻自以意諷之曰願得將軍之  
首以獻秦王必喜而見臣臣左手把其袖右手提其  
胷則將軍之仇報而燕之耻雪矣於期慨然遂自刎  
丹奔往伏哭乃以函盛其首又嘗求天下之利匕首  
以藥焯之以試人血如綫立死乃裝遣軻行至易水  
歌曰風蕭蕭兮易水寒壯士一去兮不復還于時白  
虹貫日燕人畏之軻至咸陽秦主政大喜見之軻奉  
圖進圖窮而匕首見把王袖提之未及身王驚起絕  
袖軻逐之環柱走秦法群臣侍殿上者不得操尺寸  
兵左右以手搏之且曰王負劍遂拔劍斷其左股軻



必用一八四時詩不 卷之一 四十一 正學堂藏版

引<sub>レ</sub>匕首<sub>ヲ</sub>適<sub>ツ</sub>王<sub>ニ</sub>不<sub>レ</sub>中<sub>ラ</sub>遂<sub>ニ</sub>體解<sub>シ</sub>以<sub>テ</sub>徇<sub>フ</sub>秦王大怒益發兵伐<sub>レ</sub>燕喜斬<sub>レ</sub>丹以獻<sub>ス</sub>後三年秦兵虜<sub>ス</sub>喜遂滅<sub>レ</sub>燕為<sub>レ</sub>郡

秦之先本顓頊之裔曰太業者生柏翳舜賜<sub>レ</sub>姓嬴氏其後有蜚廉蜚廉子曰女防女防之後有非子好馬

為周孝王主馬於汧渭之間馬大蕃息分<sub>レ</sub>土為附庸邑之秦閱二世至秦仲始大歷莊公至襄公犬戎殺

幽王襄公救周有功封為諸侯賜<sub>レ</sub>以岐西地歷文公寧公出子武公德公宣公成公至繆公有百里奚者

故虞大夫也為繆公夫人媵亡秦走宛楚人執之繆公聞其賢以五羖羊皮贖得之授之政號曰五羖太

夫百里奚進其友蹇叔以為上大夫繆公送<sub>レ</sub>晉惠公歸<sub>レ</sub>晉已而倍秦合戰于韓繆公為<sub>レ</sub>晉軍所圍岐下有

嘗食<sub>レ</sub>公馬者三百人馳<sub>レ</sub>冒<sub>レ</sub>晉軍晉解圍遂脫<sub>レ</sub>繆公以反先是繆公亡善馬野人共得而食之吏逐得欲法

之公曰食善馬不飲酒傷人皆賜酒而赦之至是聞秦繫<sub>レ</sub>晉皆願從推鋒爭死以報德穆公後又送<sub>レ</sub>晉文

公歸國立而霸諸侯晉文公卒秦遣子孟明襲鄭因破滑<sub>レ</sub>晉襄公敗<sub>レ</sub>之崤繆公不替<sub>レ</sub>子孟明修國政後伐<sub>レ</sub>晉得

志遂霸西戎歷康公共公桓公景公哀公惠公悼公厲公共公躁公懷公靈公簡公惠公出子獻公至孝

小學十八人各書本 卷之一 四十一 正學堂藏版



公河山以東強國六小國十餘皆以夷狄遇秦擯不與諸侯之會盟孝公下令賓客群臣有能出奇計強秦者吾其尊官與之分土衛公孫鞅入秦因嬖人景監以見說以帝道王道三變為霸道而後及強國之術公大悅欲變法恐天下議已鞅曰民不可與慮始而可與樂成卒定令令民為什伍相收司連坐不告姦者腰斬告姦者與斬敵同賞匿姦者與降敵同罰有軍功者各以卒受爵為私鬪者各以輕重被刑大小戮力本業耕織致粟帛多者復其身事未利及怠而貪者舉以為收孥令既具未布立三丈之木於國

都市南門募民有能徙北門者予十金民怪之莫敢徙復曰能徙者予五十金有一人徙之輒予五十金乃下令太子犯法鞅曰法之不行自上犯之君嗣不可施刑刑其傅公子虔黥其師公孫賈秦人皆趨令行之十年道不拾遺山無盜賊家給人足民勇於公戰怯於私鬪鄉邑大治初言令不便者來言令便鞅曰皆亂法之民也盡遷之邊民莫敢議令民父子兄弟同室內息者為禁廢井田開阡陌更為賦稅法秦人富強封鞅商於十五邑號曰商君孝公薨惠文王立公子虔之徒告鞅欲反鞅出亡欲止客舍舍人曰



商君之法。舍人無驗者。坐之。鞅歎曰。爲法之弊。一至此哉。去之。魏魏不受。內之。秦秦人車裂。以徇。鞅用法。酷步過六尺者。有罰。棄灰於道者。被刑。嘗臨渭論囚。渭水盡赤。惠文王薨。子武王立。武王使甘茂伐韓。茂曰。宜陽大縣。其實郡也。今倍數險行千里。攻之難。魯人有與曾參同姓名者。殺人人。告其母。母織自若。及三人告之。毋投杼下機。踰牆而走。臣賢不及曾參王之信。臣又不如其母。疑臣者。非特三人。臣恐大王之投杼也。魏文侯令樂羊伐中山。三年而後拔之。反而論功。文侯示之謗書一篋。再拜曰。非臣之功。君之力。

也。今臣羈旅之臣也。擄里子公孫奭。挾韓而譏王。必聽之。王曰。寡人弗聽。乃盟于息壤。茂伐宜陽五月而不拔。二人果爭之。武王召茂欲罷兵。茂曰。息壤在彼。王乃悉起兵佐茂。遂拔之。武王有力。好戲力士任鄙。烏獲。孟說皆至大官。王與孟說舉鼎。絕脈死。弟昭襄王稷立。有魏人范雎者。嘗從須賈使齊。齊王聞其辯。乃賜之金及牛酒。賈疑雎以國陰事告齊。歸告魏。相魏齊。魏齊怒。笞擊雎。折脅拉齒。雎佯死。卷以簣置廁中。使醉客更溺之。以懲後。雎告守者。得出。更姓名曰張祿。秦使者王齕至魏。潛載與歸。薦于昭襄王。以



為客卿。教以遠交近攻之策。時穰侯魏冉用事。睢說  
 王廢之。而代為丞相。號應侯。魏使須賈聘秦。睢敝衣  
 間步往見之。賈驚曰。范叔固無恙乎。留坐。飲食曰。范  
 叔一寒如此哉。取一綈袍贈之。遂為賈御。至相府曰。  
 我為君先入通于相君。賈見其久不出。問門下。門下  
 曰。無范叔。鄉者吾相張君也。賈知見欺。乃膝行入謝  
 罪。睢坐責讓之曰。爾所以得不死者。以綈袍戀戀尚  
 有故人之意爾。乃大供具。請諸侯賓客。置莖豆其前。  
 而馬食之。使歸告魏主曰。速斬魏齊頭來。不然且屠  
 大梁。賈歸告魏齊。魏齊出走而死。睢既得志于秦。一

飯之德。必償。睢眦之怨。必報。王既用睢。策歲加兵三  
 晉。斬首數萬。周赧王恐。與諸侯約從。欲伐秦。秦攻周  
 赧王。入秦。頓首請罪。盡獻其邑三十六。周亾。秦將武  
 安君白起。與范雎有隙。廢為士伍。賜劍死。于杜郵。王  
 臨朝而歎曰。內無良將。外多強敵。睢懼。蔡澤曰。四時  
 之序。成功者去。睢稱病。澤代之。昭襄王薨。子孝文王  
 柱立。薨。子莊襄王楚立。薨。嗣為王者。政也。遂并六國。  
 是為秦。始皇帝。

黃帝以來。天下列百里之國。萬區。蓋自中國以達  
 于四裔。中國之制。可放於王制者。九州千七百七十



十三國古之建侯各君其國各子其民而宗主於天子。歷夏殷至周強併弱大吞小春秋十二國外存者無幾戰國存者六七。至是遂併於秦。

秦

秦始皇帝名政始生干邯鄲昭襄王時。孝文王柱為太子。有庶子楚為質于趙。陽翟太賈呂不韋適趙見之曰此奇貨可居乃適秦因太子妃華陽夫人之姊以說妃立楚為適嗣不韋因納邯鄲美姬有娠而獻于楚生政實呂氏孝文王立三日而薨楚立是為莊襄王四年薨政生十三歲矣遂立為王母為太后不

韋在莊襄王時已為秦相國至是封文信侯太后復與不韋通王既長不韋事覺自殺太后廢處別宮茅焦諫母子乃復如初。○秦宗室大臣議曰諸侯人來仕者皆為其主游說耳請一切逐之於是大索逐客客卿李斯上書曰昔穆公取申余於戎得百里奚於宛迎蹇叔於宋求平約公孫枝於晉并國二十遂霸西戎孝公用商鞅之法諸侯親服至今治強惠王用張儀之計散六國從使之事秦昭王得范雎強公室此四君者皆以客之切客何負於秦哉泰山不讓土壤故大。河海不擇細流故深。今乃棄黔首以資敵



國卻實客以業諸侯所謂籍寇兵而齎盜糧者也王  
 乃聽李斯復其官除逐客令斯楚人嘗學於荀卿秦  
 卒用其謀并天下有韓非者善刑名為韓使秦因上  
 書王悅之斯疾而間之遂下吏斯遺之藥令自殺  
 ○十七年內史勝滅韓十九年王翦滅趙二十三年  
 王賁滅魏二十四年王翦滅楚二十五年王賁滅燕  
 二十六年王賁滅齊秦王初并天下自以德兼三皇  
 功過五帝更號曰皇帝命為制令為詔自稱曰朕制  
 曰死而以行為謚則是子議父臣議君也甚無謂自  
 今以來除謚法朕為始皇帝後世以計數二世三世

至于萬世傳之無窮 ○收天下兵聚咸陽銷以為  
 鐘鐻金人十二重各千石 ○徙天下豪富於咸陽  
 十二萬戶 ○丞相王綰等言燕齊荆地遠不置王  
 無以鎮之請立諸子始皇下其議廷尉李斯曰周武  
 王所封子弟同姓甚眾後屬疏遠相攻擊如仇讐今  
 海內賴陛下神靈一統皆為郡縣諸子功臣以公賦  
 稅賞賜之甚足易制天下無異意則安寧之術也置  
 諸侯不便始皇曰天下初定又復立國是樹兵也而  
 求其寧息豈不難哉廷尉議是今天下為三十六郡  
 置守尉監 ○二十八年始皇東行郡縣上鄒嶧山



必用一八只時請不

卷之一

四十二 正德堂藏

立石頌功業上泰山立石封祠祀既下風雨暴至休  
 樹下封其松為五大夫禪于梁父遂東遊海上方士  
 齊人徐市等上書請與童男童女入海求蓬萊方丈  
 瀛洲三神山仙人及不死藥如其言遣市等行始皇  
 浮江至湘山太風幾不能渡問博士曰湘君何神對  
 曰堯女舜妻始皇大怒伐其樹赭其山 ○韓人張  
 良以五世相韓韓亡欲為報仇始皇東遊至博浪沙  
 中良令力士操鐵椎擊始皇誤中副車始皇驚求弗  
 得令天下大索 ○三十一年更臘為嘉平 ○三  
 十二年始皇巡北邊方士盧生入海還奏錄圖書曰

亡秦者胡也始皇乃遣蒙恬發兵三十萬人北伐匈  
 奴築長城起臨洮至遼東延袤萬餘里威振匈奴

○三十四年丞相李斯上書曰異時諸侯並爭厚招  
 遊學今天下已定法令出一百姓當家則力農工士  
 則學習法令今諸生不師今而學古以非當世惑亂  
 黔首聞令下則各以其學議之入則心非出則巷議  
 率群下以造謗臣請史官非秦記皆燒之非博士官  
 所職天下有藏詩書百家語者皆請守尉雜燒之有  
 偶語詩書者棄市以古非今者族所不去者醫藥卜  
 筮種樹之書若有欲學法令以吏為師制曰可 ○

小學十八史略續本

卷之一

四十二 正德堂藏



三十五年侯生盧生相與譏議始皇因亡去始皇大怒曰盧生等吾尊賜之甚厚今乃誹謗我諸生在咸陽者吾使人廉問或為妖言以亂黔首於是使御史悉案問諸生傳相告引乃自除犯禁者四百六十餘人皆坑之咸陽長子扶蘇諫曰諸生皆誦法孔子今上皆重法繩之臣恐天下不安始皇怒使扶蘇北監蒙恬軍於上郡 ○始皇以為咸陽人多先王宮庭小乃營作朝宮渭南上林苑中先作前殿阿房東西五百步南北五十丈上可坐萬人下可建五丈旗周馳為閣道自殿下直抵南山表南山之顛以為闕為

複道自阿房渡渭屬之咸陽以象天極閣道絕漢抵營室也阿房宮未成成欲更擇令名天下謂之阿房宮 ○始皇為人天性剛戾自用天下事無大小皆決於上至以衡石量書日夜有程不得休息貪於權勢至如此 ○秦有出使者還遇人持璧投之曰為吾遺瀉池君明年祖龍死 ○三十七年始皇出遊丞相斯少子胡亥宦者趙高從始皇崩於沙丘平臺秘不發喪詐為受詔立胡亥賜扶蘇死載始皇輜輶車中以一石鮑魚亂其臭至咸陽始發喪胡亥即位是為二世皇帝



二世皇帝名胡亥。元年東行郡縣。謂趙高曰。吾欲悉耳目之所好。窮心志之樂。以終吾年。高曰。陛下嚴法刻刑。盡除故臣。更置所親信。則高枕肆志矣。二世然之。更為法律。務益刻深。公子大臣多慘死。○陽城人陳勝字涉。少與人傭耕。輟耕之隴上。悵然久之曰。苟富貴無相忘。傭者笑曰。若為傭耕。何富貴也。勝大息曰。嗟呼。燕雀安知鴻鵠之志哉。至是與吳廣起兵于蕘。時發間左戍漁陽。勝廣為屯長。會大雨道不通。乃召徒屬曰。公等失期。法當斬。壯士不死則已。死即舉大名耳。王侯將相寧有種乎。眾皆從之。乃詐稱公子

扶蘇項燕稱大楚。勝自立為將軍。廣為都尉。大梁張耳陳餘詣軍門。上謁。勝大喜。自立為王。號張楚。諸郡縣苦秦法。爭殺長吏以應涉。○謁者從東方來。以及者聞二世怒。下之吏。後使者至上。問之曰。群盜鼠竊狗偷。不足憂也。上悅。○陳勝以所善陳人武臣為將軍。耳餘為校尉。使徇趙地。至趙。武臣自立為趙王。○沛人劉邦起於沛。父老爭殺令。迎立為沛公。沛邑掾主吏蕭何曹參為救沛子弟得三千人。○項梁者。楚將項燕之子也。嘗殺人。與兄子籍避仇吳中。籍字羽。少時學書不成。去學劍。又不成。梁怒。籍曰。書足



必用一ノ田言ス、  
○四ノカニ口言言言言言

以記姓名而已。劍一人敵不足學。學萬人敵。梁乃教籍兵法。會稽守殷通欲起兵。應陳涉使梁為將。梁使籍斬通。佩其印綬。遂舉吳中兵。得八千人。籍為裨將。時年二十四。○齊人田儻自立為齊王。○趙王武臣使將韓廣略燕地。廣自立為燕王。○楚將周市定魏地。迎魏公子咎。立為魏王。○二年。吳廣為其下所殺。○陳勝為其御莊賈所殺。以降秦。○秦將章邯擊魏。齊楚救之。齊王儻。魏王咎。與周市皆敗死。○趙王武臣為其將季良所殺。張耳陳餘立趙歇為王。○居鄆人范增年七十。好奇

計。往說項梁曰。陳勝首事。不立楚後。而自立。其孰不長。今君起江東。楚蠶起之將。爭附君者。以君世世楚將。必能復立楚之後也。於是項梁求得楚懷王孫心。立為楚懷王。以從民望。○趙高與丞相李斯有隙。高侍二世。方燕樂。婦女居前。使人告丞相斯。可奏事。斯上謁。二世怒曰。吾嘗多間。曰丞相不來。吾方燕樂。丞相輒來。高曰。丞相長男李由為三川守。與盜通。且丞相居外。權重於陛下。二世然之。下斯吏。具五刑。腰斬咸陽市。斯出獄。顧謂中子曰。吾欲與若復牽黃犬。俱出上蔡東門。逐狡兔。豈可得乎。遂父子相哭。而夷

小學十八史各讀本  
卷之一  
五十一  
三蔡堂藏板



三族。○中丞相趙高欲專秦權，恐群臣不聽，乃先設驗持鹿獻於二世，曰：「馬也。」二世笑曰：「丞相誤邪？」指鹿為馬，問左右，或默，或言高陰中，諸言鹿者以法。後群臣皆畏高，莫敢言其過。○項梁與秦將章邯戰，敗死。宗義先言其必敗，梁果敗，秦攻趙，楚懷王以義為上將，項羽為次將，救趙，義驕，羽斬之，領其兵大破秦兵，鉅鹿下，虜王離等，降秦將章邯。董翳司馬欣、羽為諸侯上將軍。○先是趙高數言關東盜無能為，及秦兵數敗，高恐二世怒，遂使嫪毐、閻樂弒二世於望夷宮，立公子嬰為秦王，二世之兄子也。嬰既立，族殺

趙高。○初，楚懷王與諸將約先入定關中者王之。當時秦兵強，諸將莫利先入，關獨項羽怨秦，殺項梁，奮願與沛公先入，關懷王諸老将皆曰：「項羽為人，慄悍猾賊，獨沛公寬大長者，可遣。」乃遣沛公。○高陽人酈食其謂沛公麾下騎士曰：「吾聞沛公慢而易人，多大略，此真吾所願從游。」騎士曰：「沛公不好儒，客冠儒冠來者，沛公輒解其冠，溲溺其中，未可以儒生說也。」食其令騎士第入，言之曰：「人皆謂食其狂生，生自謂我非狂生。」沛公至高陽，傳舍召生入，沛公方踞床，使兩女子洗足，而見生，生長揖不拜，曰：「足下必欲誅



無道秦不宜倨見長者於是沛公輒洗起攝衣延生  
 上坐謝之生為沛公說下陳留後常為說客 ○張  
 良從沛公西○沛公大破秦軍入關至霸上秦王子  
 嬰素車白馬繫頸以組出降軹道旁秦自始皇二十  
 六年併天下二世三世而凶稱帝止十有五年

小學 必用 十八史略讀本卷之一

小學 必用 十八史略字解

太古

歲十二年ニ一周スル星ナリ 攝提歲星寅ノ方ニ宿リタル時ヲ年ノ始トスル 無為何ゴトヲモナサズ自然ニマカセル 構木カマヘテ木ヲ

鑽燧木ヲスリ合セテ火ヲ出ス 火食煮焼ヲシテ食ス 書契木ヲケツリテ文字ヲシタルモノ 攷カシガフ

三皇

結繩心オボエノタニ繩ヲ結デ日用ノ事ヲ足セシ 嫁娶ヨメイリウメ 儷皮一對ノ鳥ノ皮 網罟鳥獸ヲトル

佃漁鳥獸ヲトルヲ佃トイヒ魚類ヲトルヲ漁トイフ 犧性マザリ毛ノナキ牛ヲ犧ト云 庖廚料理ヲスル 沼

笙簧十三本ノ管 地維地球ノ中心トイフ 四極四方ノ極 蓋灰アトイフ草ヲヤキタルハイナリ

水ハビコリク 邦土ヲ邦リテ 耒耜耒ノ柄 干戈軍器 不享ミツキモノヲモ出サズ

指南車人形ノシカケニテ南方ヲサス車 河圖河水ニ魚ノウカバ 斗建北斗星ノ 氣應氣應



怡然 餘念ナク 自得 サトルタルコトニ 胡髯 コヒシ

五帝

九黎 黎トイフ苗字ヲ名 雜糅 イリミシ 方物 部類分ラ 神靈 凡夫ノ及ハヌ程ノ

茹茨 草フキ 不剪 草ブキノサ 旬朔 日カズ十日ヲ知ト云 戴已 目上ニア 外

朝閣 オモテノヤクシヨ内 在野 田舎スマキノ 微服 イセキモノ 康衢 四達ヲ衢トイヒ五ス

丞民 萬民 爾極 堯ノ至リキハマレル 擊壤 クツノ形ニ似タルモノヲ 封人 国ガカイヲ 就

含哺 口中ニ食物ヲフク 壽富 年ヨリテニ 封人 国ガカイヲ 就

千歲厭世 ナカイキシテ世ノ中ガイヤニナリクテ去ク 上僂 シヌイフ 帝

不肖 父ノカシコサニ似ヌトイフ義 烝々 タユミナクダシクニ 苦窳 ソマツニ

聰明 事理ノ可否ヲ聞ワケ 畎畝 田舎ノコト 殛 シヌホドノ 窳 オヒコメ

薰 陽氣ノヨク通 阜 萬物ヨク成長シテタルナリ 景星 ケイセイ 卿雲 クモナリ卿ハ

爛 光ノカヤキ 縵々 ヨクトノヒエユツ 巡狩 大名ノ領分ヲ天子 崩 天子

夏后氏

焦思 心ヲクダキ 棊 箕ノ形ノ如ク 桴 履ノ下ニツケルタメニ 準繩 物ヲタイラニス

規矩 マルキカタチト四角ノ 醴酪 モロミ 享 神ニ供物 蠶 イモリノ

嬖臣 コノロニカチヒテ寵 一成 十里四方 一旅 二百五十人ヲ 擾 手ナツ 醢 カニス

鉤索 マガリタル金物 傾宮 玉ニテ飾リシタ 彈 ミナナキニ 肉山

脯山 ホシタル肉カ林ノ如ク 酒池 池水ノ如ク酒 糟堤 酒ノカスノアルコト

牛飲 井ノ水ヲ飲ムゴトクニ



殷

玄鳥ケンテウ 墮卵オスラフ 聘ヘイス 復歸フクキ 齋戒サイケ 女謁メツ 苞苴ハクシヨ 枯死コシ 昏シヨ

靡ヒ 反已ハルオニ 偶人バウジン 僂辱リウジツ 震死シンシ 資辯シ 捷疾セツ 手格テカス 拒諫ケツケン 飾非セキヒ 象箸シヤウチヨ 土簋ドキ 賦稅フゼイ 佯狂ヤウキヤウ 脯ホ

壘キヨ 漸々センケン 油々イウウ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

藜藿レイカフ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

藜藿レイカフ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

藜藿レイカフ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

藜藿レイカフ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

藜藿レイカフ 短褐タンカフ 賦稅フゼイ 佯狂ヤウキヤウ 脯ホ 刑辟ケイヒ 炮烙ハウラク 七竅シチケウ 伴狂ヤウキヤウ 脯ホ

周

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク

監巷アイコウ 覆翼フツヨク 種樹シュジュ 稼穡カセク 聲魄セイハク 追尊ツイソン 宗ソウ 適歸テキキ 道里均ダウリクン 刑錯ケイサク 膠舟カウシユ 長驅チヤウキ 荒服ワウフク







ナメシ皮ヲアミ絲トナシ藤ニテ竹ノ表ニ文字ヲシルシタリ 三絶 冬ノ開キ見タルガタメニ 三選 土地ガヲノア

所ヲ三度カ 難疑 ナンモンシテ疑ノ 良賈 シンガイノヨ キアキウド 若虚 ヤウニ見エル 論

ツリ増 イトノツイ 諸子 孔子ノ門 弟ヲイフ 覆醢 子路ヲシホツケシタルニハ

衛拒 ヨセツ 與 タツサツ 断纓 冠ノヒモヲキリ 賦

ワリツ 雞子 ニハトリ 杞 杞ナキ梓サア 連抱 アイクカハモ 朽 ナドノアルト 處

コトヲ 干城之將 タテヤ城ノ如ク敵ヲアスセニ ヨロシカ 和 アハスルヲ 如

出一口 異口同音 矯 ナホス義 庶人 モロノ人トイフ義 ニテ教多ノ平民ヲイフ

鄭晉陳齊

自固 國ヲ守 ガタクス 加 手出シテ 圭 將基ノコマ 史佚 朝廷ノ大事ヲカキシルス

餒 腹ノヒダルク 從七者 出奔ノトキ トモシタル者 矯々 勢ノサカン ナル良 失所 矯々タル勢モナリ

周流 遍歴ス 四蛇 狐偃以下ノ者 一蛇 公子推 寡人 徳スナキ人トイフ義

稱スル 寒食 公子推ヲ吊フタメニ 不祀 先祖祭ノナ 傳 守リ 帶鈞 タル金輪

置怒 ステオク 分利 利エキヲ 自與 己レ方ヘ トリコム 九合 九ハ陽教ノ極リ

從ハセタルヲイフ 一匡 亂ヲシツメテドコモ 適君 君ノ心ニカ ナハセタル 内寵 官女ヲア

葬ル 歛 死人ヲ三日目ニ入棺スル 不掩豆 豆供物ノ器ニテ盛リタ 舉火 カマドヲモナ

々 已ノ身分ヲ足レリトシテ 自下 自慢ノ心ナク 謹妾 女子已レテ昇下ス 抑損 已レ

カヘメニヌル 私語 密ニ物 私惠 人氣ヲ取ルタメニホトコス自 所食 襍田

豊作ヲ 蹄 アシ 歐窶 高地ノ 滿篝 竹カゴニ 汗邪 地ノ 五穀 アイネキヒ

マノ 蕃熟 シダリミ 穰々 アルサマニ 不振 人氣ノ引 毀言 ワルクイフ 辟

給 不足 ナ 從 懼 ス 思ハス立アガリテ 致兵 兵ヲサシ 徑寸 一寸サシワタシ 不拾遺

小學十八史略讀本 卷之二 五 正榮堂藏版



ミ夫タニオチテアル物ヲ拾ハヌ 游説 諸国ノ君ヘトキス、  
ハヨキ風俗ヲイヒタルナリ 所能 業前ハタ  
ミラサシ 并行 一日ニ行クイ 可伏兵 矢先キニ石ヲツケハ  
イレル刑ナリ 竪子 孫贖ノコトヲイヒタルナリ 求解 トヲネガフ  
シタ 居ドコ行方ノ知レ 割城 食事スルホド

シツカノスキ間ヨリ狗ノハイ 發傳 通行手形ノシラ  
ル如クニシテ物ヲ又スム 版鋪 土ヲホルスキナリ 分切 共ニスル  
城ノウチヲ 推 上ニスル義 龍文 龍ノ模様 灌脂 ツケル  
分ケ典ヘル 無可往 行ク先ノ目 揮泣 手ニテ涙ヲ 奮臂 カテノツツク  
ヲアケ 連和 スル 傳舎 旅人ノ 彈 指サキニ  
マケ又氣 援抱 太鼓ノバチ 代舎 人ガ更番シテ附キ従フ 邑入 領地ヲ  
ヲダス 幸舎 大切ニ人ヲトリア 義ヲ以テ名ツケタル家 邑入 領地ヲ

貸者 金ヲ借用シ 息利 券証 反間 内心トコトバヲチガヘテ  
敵ノ勢ヒヲアシクスルハカリコト

趙魏韓 遺腹子 狐腋 唯々 保障 爲 爲  
イフクノコ 父ノ死シタル後 狐ノ腋 ヨイ毛ナリ 唯々 異存ヲノマス  
フ言ヒハル 識 蘭絲 民財ヲトリタテルヲイフ 保障 敵国ヲ守ルマカキニテ  
サマ

歸身ノヨセ 三板 板ハ高サ一丈ナリ水ニ 産膏 水攻メノタメニ  
キト 酒ヲノム 七首 短劍 心動 ムナサハキ 委質 身ヲマカセテ  
ウツハ 國士 國中ニタツト 遇 近幸 寵愛セラレト 顧 考ヘミレバ  
コク 資 路費ヲ 鄙諺 ツネニ世ノ人 雞口 小国ニ 牛後 大国ノ臣  
出ス 輜重 荷物ク 側目 正面ニ向ヒカネテ 取食 世話ヲスル  
ヲ合セ 負郭 ウシロノ 二項 二百畝ノヒ 胡服 衣服ヲツケル  
タリ 卻立 アトヘサカリ 待命 マツ 擊缶 瓦ニテ作り  
アナル 待命 マツ 擊缶 瓦ニテ作り 秦聲 秦ノ國風  
テタツ

小學一ノ口各費本 卷之一 三峯堂藏版

摩 秦ノ國風 摩

秦聲 秦ノ國風 秦聲

指冠 冠ヲツ

取食 世話ヲスル

牛後 大国ノ臣

雞口 小国ニ

近幸 寵愛セラレト

遇 考ヘミレバ

國士 國中ニタツト

七首 短劍

三板 板ハ高サ一丈ナリ水ニ

識 蘭絲 民財ヲトリタテルヲイフ

遺腹子 父ノ死シタル後

狐腋 ヨイ毛ナリ

唯々 異存ヲノマス

保障 敵国ヲ守ルマカキニテ

爲 爲

爲 爲

爲 爲











スル 倂 戮ニ目ジ 鴻 鳩 偏ニ似タル 失 期 約定ノ時刻 印 綬 在官ノマツ身ニツケル印

裨 將 副將軍 不 長 大ニ為リ 蝨 起 如クニナリシコト 具 五 刑 一アシキリスギキリ

死罪ノ五ツ通りヲノコラズ 設 驗 マウタナシラ タメシゴト 族 殺 一族ノコラズ コロシタルナリ 慄 悍 氣バヤク進ム

受タサセタル 猾 賊 惡心ノタ 寬 大 コセツカヌコト 慢 物ニトシヤクセズ イキナリナル 從 遊 イツキシタ 踞 キヨス

腰ヲカ 長 揖 立タマニテ兩手ヲ組ミ 攝 衣 身ノフリヲ直シ行 襲 頸 以レ組 組紐

ケル 長 揖 日 華ノ礼ヲナセシナリ 攝 衣 後ヲタヤセシナリ 襲 頸 以レ組 組紐

ニカケコノマ、クビレテ死ヌルトイ フ覚悟ヲホスコレハ降参ノ例ナリ 軹 道 小林所

小學 必用 十八史略字解卷之一終

板權免許 明治十年九月一日  
開刻 同 十年十月廿日

編輯者

久保田梁山

第五大區四小區外神田  
五軒町一番地寄留

出板人

東京府平民 内田彌兵衛

第一大區十三小區横山  
町二町目十六番地










特31  
723



003203-001-7

特31-723

十八史略讀本

久保田 梁山 / 解

M10-11

ACC-1423

